

CYNGOR SIR CEREDIGION COUNTY COUNCIL

Adroddiad i: Pwyllgor Trosolwg a Chraffu Cymunedau Iachach

Dyddiad y cyfarfod: 22 Tachwedd 2023

Teitl: Cynnig i weithredu gwaharddiad ar roi anifeiliaid byw fel gwobrau ar eiddo Cyngor Sir Ceredigion

Pwrpas yr adroddiad: Argymhell gweithredu gwaharddiad ar roi anifeiliaid byw fel gwobrau ar safleoedd Cyngor Sir Ceredigion

Y rheswm am y wybodaeth i'r Pwyllgor Craffu :
N/A

Cefndir

O fewn Cyngor Sir Ceredigion, mae diogelu a chymeradwyo safonau uchel o les anifeiliaid, yn bennaf fel rhan o gefnogi'r diwydiant ffermio, ac i gefnogi'r rhai sy'n mwynhau cadw anifeiliaid fel anifeiliaid anwes. Mae'r awdurdod felly yn cefnogi ymgyrch yr RSPCA ar "roi anifeiliaid anwes fel gwobrau" drwy gynnig gweithredu gwaharddiad ar roi anifeiliaid byw ar eiddo Cyngor Sir Ceredigion.

Mae'r adroddiad hwn yn darparu'r cyd-destun ar y gwaharddiad arfaethedig ar roi anifeiliaid byw (e.e. pysgod aur, ac ati) fel gwobrau fel y nodir yn ymgyrch y Gymdeithas Frenhinol er Atal Creulondeb i Anifeiliaid (RSPCA) 2021.

Tra bod amrywiaeth o anifeiliaid yn cael eu rhoi'n wobrau yn flynyddol yng Nghymru ac ar draws y DU, pysgod aur sy'n gyffredinol yn cael eu cysylltu ag anifeiliaid fel gwobr. Mae pysgod aur yn profi straen yn rhwydd iawn ac mae'r pysgod sy'n cael eu hennill yn aml iawn yn dioddef o sioc, prinder ocsigen neu'n marw yn sgîl newidiadau yn nhymeredd y dŵr. Bydd nifer yn marw cyn i'w perchnogion newydd ddychwelyd adref.

Dylai cadw anifail fel anifail anwes gael ei gynllunio'n ofalus gydag ystyriaeth ddwys o flaen llaw. Dylai'r darpar berchennog gael dealltwriaeth eglur o'r cyfrifoldebau sy'n ofynnol ac ystyried yn ofalus os oes ganddynt y cyfleusterau, amser, amgylchiadau ariannol a'r diddordeb i ofalu a pharau i ofalu ar ôl yr anifail i safon foddhaol cyn ei brynu.

Ers dechrau ymgyrch yr RSPCA, mae 13 o awdurdodau Cymru wedi cefnogi ymgyrch yr RSPCA, sef:-

- Pen-y-bont
- Caerffili

- Caerdydd
- Conwy
- Flint
- Castell-nedd Port Talbot
- Casnewydd
- Sir Benfro
- Rhondda Cynon Taf
- Bwrdeistref Sirol Torfaen
- Bro Morgannwg
- Wreccsam
- Merthyr Tudful

Nid yw Deddf Lles Anifeiliaid 2006 (sy'n gymwys yng Nghymru a Lloegr) yn gwahardd rhoi anifeiliaid byw fel gwobrau oni bai eu bod yn cael eu rhoi i blant heb bresenoldeb oedolyn. Mae'r Ddeddf yn ei gwneud hi'n drosedd, yng Nghymru a Lloegr, i roi anifeiliaid byw i fwrdd fel gwobrau os gellir credu'n rhesymol bod y person o dan 16 oed ac heb bresenoldeb oedolyn.

Fodd bynnag, mae rhai eithriadau yn adran 11 (3)-(6) o'r Ddeddf. Mae'n fater gwahanol yn yr Alban, lle mae'n drosedd, o dan Ddeddf Iechyd a Lles Anifeiliaid (Yr Alban) 2006, i gynnig neu roi anifail i berson arall fel gwobr (beth bynnag fo'u hoedran), ac eithrio pan gaiff ei gynnig mewn cyd-destun teuluol..

Mae'r RSPCA o'r farn nad yw'r ddeddfwriaeth hon yn mynd yn ddigon pell ac nad yw'n ymdrin â'r materion lles anifeiliaid sy'n gysylltiedig â'r arfer hwn, ac felly hoffent weld deddfwriaeth debyg i Ddeddf Iechyd a Lles Anifeiliaid (Yr Alban) 2006 yn cael ei chyflwyno yng Nghymru a Lloegr; a'i gwneud yn drosedd rhoi anifail fel gwobr, beth bynnag fo'i oed, ac eithrio yng nghyd-destun y teulu.

Mae gan Gyngor Sir Ceredigion gyfle i wahardd "anifeiliaid anwes fel gwobrau" ar safleoedd y Cyngor, mae'r sir felly'n codi ymwybyddiaeth y cyhoedd o les anifeiliaid sy'n ymwneud â rhoi anifeiliaid byw fel gwobrau. Felly, o ystyried y ddeddfwriaeth bresennol, gall y Cyngor gyflwyno gwaharddiad drwy newid telerau ac amodau'r cytundebau i ddefnyddio eiddo'r Cyngor. Cefnogir yr adroddiad hwn gan y Swyddog Arweiniol Corfforaethol ar gyfer yr Economi ac Adfywio sy'n goruchwylio rheolaeth tir a chyfleusterau'r Cyngor.

Y Sefyllfa Bresennol

Hyd y gwyddom, nid oes unrhyw ddigwyddiad a gynhelir ar dir y Cyngor ar hyn o bryd yn cynnig Anifeiliaid Anwes fel Gwobrau. Cynhelir ffeiriau yn ystod yr Hydref yn Aberteifi, Aberaeron ac Aberystwyth, fodd bynnag, deallir nad yw pysgod aur yn cael eu rhoi fel gwobrau gan y gweithredwyr hyn.

Llesiant Cenedlaethau'r Dyfodol:

A oes asesiad effaith integredig wedi'i gwblhau? Os na, nodwch pam.

Oes

Crynodeb o'r Aseiad Effaith Integredig:

Hirdymor: Mae'r Cyngor wedi ymrwymo i hyrwyddo safonau uchel o les anifeiliaid

Cydweithio: Mae'r Cyngor yn gweithio'n agos gydag asiantaethau statudol eraill fel Llywodraeth Cymru, yr Asiantaeth Iechyd Anifeiliaid a Phlanhigion i sicrhau bod safonau lles anifeiliaid yn cael eu cynnal. Mae'r Cyngor hefyd yn gweithio gyda'r RSPCA i hyrwyddo ein nodau a'n hamcanion a rennir.

Cyfranogiad: Mae'r argymhelliad yn gyson â gweithredoedd awdurdodau eraill sydd wedi gweithredu'r un peth, ac mae'n unol â disgwyliadau'r cyhoedd o ddiogelu lles anifeiliaid.

Ataliad: Mae'r gweithgarwch o wahardd rhoi anifeiliaid anwes fel gwobrau yn atal y posibilrwydd a fyddai'n effeithio'n negyddol ar les anifeiliaid.

Integreiddiad: Mae sicrhau rheolaethau ehangach ar les anifeiliaid yn unol ag amcanion a gynhwysir yn y Ddeddf Llesiant Cenedlaethau'r Dyfodol (Cymru) 2015

Argymhelliad(ion):

1. Bod y pwyllgor yn argymhell i'r Cabinet wahardd yn llwyr roi anifeiliaid byw fel gwobrau, ar unrhyw ffurf, ar dir y Cyngor.

Rhesymau dros y penderfyniad:

Cynnal lefelau uchel o les anifeiliaid ledled Cyngor Sir Ceredigion trwy weithredu gwaharddiad ar yr arfer o roi anifeiliaid byw fel gwobrau ar dir y Cyngor oherwydd y niwed posibl a achosir i'r anifeiliaid.

Enw Cyswllt: Carwen Evans/Heddwyn Evans

Swydd: Rheolwr Iechyd yr Amgylchedd

Dyddiad yr Adroddiad: 10 Hydref 2023

Acronymau:

Dim

Atodiad 1 – Atodiad 1 – Llythyr gan Lesley Griffiths, AS/MS Gweinidog Materion Gwledig a Gogledd Cymru



Letter to Local Authorities - Eng.pdf



Letter to Local

Authorities - Cym.pdf



Ein cyf/Our ref MA/LG/2024/23

Prif Swyddog Gweithredol
Awdurdodau Lleol Cymru

Medi 2023

Yng ngoleuni diddordeb cyhoeddus diweddar, hoffwn godi'r mater â chi o roi anifeiliaid fel gwobrau, yn enwedig pysgod aur.

Byddwch yn cofio fy mod wedi ysgrifennu atoch yn flaenorol ym mis Rhagfyr 2019, gan ofyn am adborth ar y mater hwn. Rwy'n falch o nodi'r cynnydd cadarnhaol yn y maes hwn ers hynny, a deall bod 12 o'n 22 o Awdurdodau Lleol, sydd wedi'u cynnwys yn yr atodiad drosodd, wedi gweithredu gwaharddiadau ar roi anifeiliaid fel gwobrau ar dir sy'n eiddo i'r Cyngor.

Fodd bynnag, yn ddiweddar rwyf wedi cael gwybod am bryderon o'r newydd ymhlith y sefydliadau cyhoeddus a'r trydydd sector am yr arfer hwn, pryderon rwy'n eu rhannu.

O dan Ddeddf Lles Anifeiliaid 2006, mae cyfrifoldeb ar berchnogion a cheidwaid anifeiliaid i sicrhau bod anghenion lles eu hanifeiliaid yn cael eu diwallu. Mae'n drosedd achosi dioddefaint diangen, ac mae hyn yn berthnasol i'r rhai sy'n rhoi a derbyn y wobr.

Rwyf yn ysgrifennu atoch fel un o'r 10 Awdurdod Lleol sydd weddill i beidio â gweithredu gwaharddiad, i ofyn a byddech yn ystyried gwahardd yr arfer hen ffasiwn hwn ar eich tir.

Bae Caerdydd • Cardiff Bay
Caerdydd • Cardiff
CF99 1NA

Canolfan Cyswllt Cyntaf / First Point of Contact Centre:
0300 0604400

Gohebiaeth.Lesley.Griffiths@llyw.cymru
Correspondence.Lesley.Griffiths@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Rwy'n gwerthfawrogi eich ymdrechion parhaus i hyrwyddo perchnogaeth anifeiliaid anwes cyfrifol ac i wrthod yr arfer hwn. Nid wyf yn teimlo bod lle i'r arfer hwn yn ein cymdeithas mwyach ac nid yw'n adlewyrchu ein gwerthoedd o ran lles anifeiliaid. Gellir anfon ymatebion at animalwelfarewales@llyw.cymru.

Cofion,

A handwritten signature in black ink that reads "Lesley Griffiths". The signature is written in a cursive, flowing style.

Lesley Griffiths AS/MS
Y Gweinidog Materion Gwledig a Gogledd Cymru, a'r Trefnydd
Minister for Rural Affairs and North Wales, and Trefnydd

Atodiad 1: Cynghorau Lleol sydd wedi gwahardd rhoi anifeiliaid anwes fel gwobrau

Pen-y-bont

Caerffili

Caerdydd

Conwy

Fflint

Castell-nedd Port Talbot

Casnewydd

Sir Benfro

Rhondda Cynon Taf

Bwrdeistref Sirol Torfaen

Bro Morgannwg

Wrecsam